

UNIVERZITET U SARAJEVU
FILOZOFSKI FAKULTET

Na osnovu članova 79. i 83. Zakona o visokom obrazovanju ("Službene novine Kantona Sarajevo" broj: 33/17.), člana 135. Statuta Univerziteta u Sarajevu, člana 63. Pravila Filozofskog fakulteta Univerziteta u Sarajevu - Prečišćeni tekst, člana 23., 24. i 25. Pravila studiranja za treći (III) ciklus studija na Univerzitetu u Sarajevu, Odluke Senata Univerziteta o saglasnosti za otvaranje trećeg ciklusa studija iz germanistike broj: 01-38-769/11 od 30.03.2011. godine, Prijedloga Vijeća doktorskog studija od 21. 3. 2018. godine, Prijedloga odluke Vijeća Filozofskog Fakulteta broj: 03-09/74 od 4. 4. 2018. godine, Odluke Senata Univerziteta o saglasnosti na raspisivanje konkursa za upis studenata trećeg ciklusa studija – doktorski studij iz germanistike u studijskoj 2018/2019. godini broj: 01-405/18 od 25. 4. 2018. godine i Prethodne saglasnosti Ministarstva za obrazovanje, nauku i mlade Kantona Sarajevo na raspisivanje konkursa za upis studenata trećeg ciklusa studija – doktorski studij koji se organizuje iz matične oblasti germanistika, pod naslovom *Njemački jezik i njemačka književnost u kontekstu medijske kulture* u studijskoj 2018/2019. godini broj: 11/05-38-18430-7/18 od 19. 6. 2018. godine, Filozofski fakultet Univerziteta u Sarajevu *objavljuje*

KONKURS/NATJEČAJ

Za upis studenata TREĆEG CIKLUSA – DOKTORSKI STUDIJ
na Filozofskom fakultetu Univerziteta u Sarajevu u studijskoj 2018/2019. godini

I

Konkurs se raspisuje za upis studenata u treći ciklus studija – doktorski studij koji se organizuje iz matične oblasti *germanistika*, pod naslovom:

NJEMAČKI JEZIK I NJEMAČKA KNJIŽEVNOST U KONTEKSTU MEDIJSKE KULTURE.

Na osnovu ugovora o saradnji između Univerziteta u Sarajevu i Univerziteta u Würzburgu doktorski studij se organizira u saradnji sa profesorima sa Odsjeka za germanistiku Univerziteta u Würzburgu (SR Njemačka), pa je u skladu s tim predviđena mogućnost sticanja međunarodne diplome: Univerziteta u Sarajevu / Univerziteta u Würzburgu, SR Njemačka.

Studij se organizuje u trajanju od tri godine, a njegovim završetkom stiče se naučno zvanje doktor lingvističkih nauka ili doktor književnohistorijskih znanosti, zavisno od izbora težišta studija.

II

Pravo pristupa doktorskom studiju i podnošenje prijave imaju slijedeći kandidati:

1. Kandidati koji su stekli diplomu II ciklusa i akademsku titulu magistra ili ekvivalenta iz oblasti lingvistike ili književnosti na Filozofskom fakultetu Univerziteta u Sarajevu ili na nekom od univerziteta u Bosni i Hercegovini.

2. Kandidati koji su stekli diplomu II ciklusa i akademsku titulu magistra ili ekvivalenta iz oblasti lingvistike ili književnosti u inostranstvu nakon provedenog postupka sticanja uslova za upis na doktorski studij u skladu sa uslovima ovog konkursa.

3. Kandidati koji su stekli naučni stepen magistra iz odgovarajuće ili srodne oblasti po ranijem Zakonu o visokom obrazovanju.

Kandidatima iz tačke 3. priznaje se 60 (E)CTS bodova.

Kandidati strani državljani prijavljuju se na konkurs pod istim uslovima kao i državljani Bosne i Hercegovine uz uslov da dostave rješenje o nostrifikaciji.

Visina školarine iznosi 3.000,00 KM po godini studija. Kandidati koji nakon svih položenih ispita budu imali prosjek iznad 8,5 bit će u potpunosti oslobođeni plaćanja 3. studijske godine.

Uz prijavu na konkurs kandidati su obavezni dostaviti:

1. Biografiju
2. Diplomu o završenom prethodnom obrazovanju (original ili ovjerena fotokopija)
3. Rješenje o nostrifikaciji (original ili ovjerena fotokopija)
4. Završni rad: magistarski ili masterski rad
5. Izvod iz matične knjige rođenih (original ili ovjerena fotokopija)
6. Uvjerenje o državljanstvu (original ili ovjerena fotokopija)
7. Uvjerenje o položenim ispitima na prethodnom studiju (original ili ovjerena fotokopija)
8. Objavljene tekstove (ukoliko ih ima)
9. Uplatnicu od 40 KM (Svrha: prijava na konkurs, Broj računa: 1401010000418297 SBERBANK BH)

III

Studij se organizira kao redovni i kao vanredni studij u zavisnosti od interesa i mogućnosti prijavljenih kandidata.

IV

Nastava za studij će se organizovati ukoliko se na konkurs prijavi najmanje 1 kandidat.

V

Konkurs ostaje otvoren do 30. 9. 2018. godine.

Za doktorante je predviđena mogućnost stipendiranja za istraživačke boravke na partnerskom Univezitetu u Würzburgu, SR Njemačka.

Prijave dostaviti na adresu: Filozofski fakultet Univerziteta u Sarajevu, ulica Franje Račkog 1, 71 000 Sarajevo, Prijave sa naznakom „Prijava za upis na doktorski studij iz germanistike“ u zatvorenoj koverti.

Obrazac prijave može se preuzeti na Protokolu Filozofskog fakulteta Univerziteta u Sarajevu soba 75, ili sa WEB adrese Fakulteta www.ff.unsa.ba.

Kontakt: težište lingvistika vedad.smailagic@ff.unsa.ba

težište književnost vahidin.preljevic@ff.unsa.ba

Konkurs za upis na III ciklus studija produžava se do 30. 11. 2018. godine.